



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam Contemplativæ functiones utilissima, Duobus Tomis Comprehensa. In Qvibvs Singvlari Pietate, Varia Ervditione Clariori Et Breviori Stylo Continentvr Et Explicantvr ...

Tomás <de Jesus>

Coloniæ Agrippinæ, 1684

Capvt IV. De præparatione generali ad Baptismum, Catechumenis persuadenda.

urn:nbn:de:hbz:466:1-38601

CAPVT IV.

I. S. Clem. De præparatione generali ad Baptis-
mum, Catechumenis per-
suadenda.

I. S. Clem. 1.3. Recogn. & 1.7. Const. Apost. 6.25. Tertull. l. de Bapt. ad vers. Quintil. lam c. 2. O. tom. 3. apud 7. a. cobum Pamelium S. Greg. Naz. orat. in S. Bapt. tisua. S. Siricus PP. epist. ad Himerium Tarracon. c. 2. tom. 1. Conc. S. Leo PP. 4. ad episc. Sicilia. c. 6. & epist. 78. ad Episc. Campaniam.

Quo tempore Catechumeni in Catechismo, & probatione sunt, doceantur non temere, non inconsulte, non imparati ad Sacramentum Baptismi accedere, sed juxta illud Actuum Apostol. cap. 2. Penitentiam agite & baptizetur unusquisque vestrum, debere retro ad vitæ paenitentiam, incepturum; quam obrem, & in primo scrutinio, cinere in paenitentia signum consperguntur. Hanc autem præ se ferre etiam debent & operibus, & exterioribus signis, nempe humili ac modesto habitu, abjectisque pretiosis vestibus, & curiosis. Itaque ad balnea, theatra, ludos, spectacula, & humilibi habitantes, sobrie, piæ, & castè vivant, & à propriis etiam uxoribus se continent.

Præterea I crebris orationibus, geniculatationibus, lactymis, vigilijs, jejunijs, & similibus paenitentia operibus, quæ in Baptismo adultorum ex antiquo Ecclesiæ more præmitti consueverunt, assidue vacent, pauperum miserentur, elemosinas secundum facultates sibi à DEO datas largiantur, & in alijs pijs charitatis officijs se exercent, atque semet ipsos in omnibus probent. In Catechesim animum intendant, & quotidie congruo tempore, mane scilicet, & vesperis instruantur. Ecclesiam frequenter adeant, in qua tamen seorsum ab alijs Fidelibus orent, & missæ tantum Catechumenorum intersint.

Si quod 2 grave peccatum interim admiserint, correctioni, & correptioni obijciantur sui Rectoris, seu Præfati, qui juxta delicti qualitatem in eos animadvertat, ea tamen moderatione, ne pæna acerbitate deterreantur, ac à fidei proposito recedant.

Si tentatione aliqua, dum in Catechismo sunt, à fide defecerint, & ad infidelitatem redire voluerint, non statim propterea dimittendi sunt, sed aliquantisper detinendi. Interim piorum vitiorum suasionibus, hortationibus, & oratione detur opera, ut resipiscant, qui si nihilominus sanis sermonibus non acquiescentes, in infidelitate persistenter, abire sinantur.

Liberi vero eorum, & alij, quos Ecclesiæ Christiana fide imbuedos obtulerunt, retineantur, & baptizentur, si nondum fuerint baptizati; nisi sint adulti, & ipsi fidem suscipere renuant, ac recedere velint.

Propter 3 tentationes autem, quas Catechumeni sequenter patiuntur, eos sæpe exorcizari oportet, eisque à presbytero sæpe manus imponi: curandumque est, ut pro ipsis in Carechumenorum domo & Ecclesia, ac in alijs Ecclesijs, Monasterijs, & pijs locis assidue orationes fiant. Sed & ipsi monentur, ut cum de incredulitate tentantur, vel modice se fidei esse agnoscent, ad Christum conversi sæpius dicant: *Adjuva Domine incredulitatem meam. Item, Adauge Domine fidem.* Atque humiliter & instantè orantes, stabilis fidei donum petant. Et si quando à malignis spiritibus eos corripit, & vexari contingat, quod nonnulli

3 S. Cyrill. Hierosol. in proa. techesi ante fin. 4 S. Siricus, & S. Leo Papa in supra citatis epist.

quam evenire solet, similiter super eis imponantur manus, & sicut exorcismi, & orationes.

Cum Catechumenis præterea initius agendum, non asperè, nec durè tractandi sunt, neque ea, quæ provectiorum in fide, ac perfectiorum sunt, eis faciendæ statim proponi debent, juxta illud Apostoli ad Corinthios: *Non potui vobis loqui quasi spiritualibus, sed quasi carnalibus.* Tanquam parvulus in Christo, lac vobis potum dedi, non escam, nondum enim poterat. Neque etiam Christiana perfectio ab eis exigenda est, juxta sententiam Salvatoris: *Nemo immittit commissuram panni rudis in vestimentum vetus, tollit enim plenitudinem eius à vestimento, & pejor scissura fit. Neque mittunt vinum novum in utres veteres, alioquin rumpuntur utres, & vinum effunditur, & utres perierunt: sed vinum novum in utres novos mittunt, & ambo conservantur.* Sed paulatim Christianam perfectionem edocendi sunt, & interim quædam ipsorum imperfectiones, quoad in Christiana pietate coalescant, Christi exemplo, qui diu Discipulos suos sustulit, tolerandæ sunt. Quia in rem imitandus est etiam Apostolus, qui ait, *Factus sum infirmus infirmus, ut infirmos lucrifacerem: omnibus omnia factus sum, ut omnes lucrifacerem salvos.* Quapropter in principio Catechumeni ad ea, quibus nondum affecti sunt, aut quæ alioquin ipsis sunt difficilia, nimis urgenti, aut cogi non debent, modo absit contemptus, aut superstitio.

Qui itaque flexis genibus orare assueti non fuerint, non dum in genuflexione, donec sic orate assuescant, detineantur.

Ad carniem, aut aliarum escarum sibi olim Religione, aut lege vitatarum esum, qui ad eas nondum assueti in ijs fumendis nauseam patiuntur, eos compelli non oportet: sufficiat solum, si illas interim degustent, aut olea cum ipsis cocta comedant, ne eas abominari, aut execrari, aut propter conscientiam eis vel in nolle videantur: vel si saltem Synodicos alios cibos in Christianorum, aut vasis decoctos, aut panis appositos, non rejiciant, aut discernant. Ita & in consimilibus casibus, qui Catechumenis præfunt, omni cum charitate, & discretionè ne erga ipsos, ne liquam fumigans extinguant, probe ac prudenter se gerant.

CAPVT V.

De doctrina fidei proponenda, tam doctis, quam rudibus; etiam de ordine quo est declaranda.

Quoniam vero ante Baptisum ea, quæ credere, & quæ servare debent, & edocendi sunt, juxta præceptum Domini, dicens Matth. 28. *Euntes docete omnes gentes, baptizantes eos in nomine Patris, & Filij, & Spiritus Sancti, docentes eos servare omnia, quæcumque mandavi vobis.* Ideo in Catechismo Sacerdos primum Catechumenos instruat de mysterio sanctæ Trinitatis, illud eis planè ac simpliciter exponens: non arduas disputationes, non difficiles, aut perplexas Theologicas questiones, quibus vel confundi, vel de fide dubij reddi possent, proponer.

Deinde

& habetur de consecr. dist. 4. cap. ante Baptisum, SACRAM.